

Эсэгэ ороноо, эхэ нютагаа эб хамта мандуулая!



БҮРЯАД

БҮГЭДЭ АРАДАЙ СОНИН

ҮНЭН

1921 оной декабриин 21-нээ гарана



2008
оной
июлийн
10
Четверг

№ 78
(21621)

Нажарай
һуул
шарагшан
хонин һарын
8
гарагай
5

Буряад
Улсын
Сонины
Хэвлэл
Эмгэгч

Манай сонин Россин хэблэлэй алтан жасада оруулагданхай

АНГАР ШАДАР «АЛТАРГАНА» СЭСЭГЛЭБЭ



«Алтарганын» сэржэм. Х.ДАШИЕВАГАЙ зураг

Гурбан үдэрэй туршада уласхоорондын буряад арадай «Алтаргана» гэнэн фестиваль Эрхүүгэй газар дайдада эмхи гуримтайгаар үнгэргэгдэбэ. Буряад ороной делегаци энэ хэмжээ ябуулгада түлөөлэгэ эхэтэй байба.



Бүхыдөө энэ хайндэртэ Доктор Монголхоо, Монгол оронхоо, Франциһаа, тиихэдэ Москва, Санкт-Петербург, Новосибирск хотонуудһаа, Красноярскын болон Забайкалийн хизаарнуудһаа, Эрхүүгэй областьһоо, Буряад Республикаһаа, Саха-Яхадһаа ерэнэн гурба мянга гаран буряадууд хабаадаба. Июлийн гурбанай үдэш Эрхүү хотын «Труд» гэнэн стадиондо һайндэр баяр ёһололой оршондо һур жабхалантайгаар нээгдэһэн байна. Эрхүүгэй областин хүтэлбэрилэгшэд, делегацинуудые толгойлоход, тэрэ тоодо Буряад Республикын

Правительствын Түрүүлэгшын орлогшо Баир Бальжиров хүндэтэ айлшадай һуури эзэлээ. Улаан-Удын болон аймагуудай делегацинууд бүлэг бүлэгөөрөө һайндэрэй жагсаалда ябаба. Ниислэл хотын делегацие мэр Геннадий Айдаев толгойлоо. Республикын Арадай Хуралай Түрүүлэгшын орлогшо Цыденжап Батуев, хорооной түрүүлэгшээр Владимир Буддаев, Вячеслав Ирильдеев, Физкультура болон спортын талаар республиканска агентствын хүтэлбэрилэгшэ Владислав Бумбошкин, Бэшүүрэй аймагай толгойлогшо Георгий Павлов

болон бусад манай делегациин жагсаалда хабаадаа.

Фестивальда хабаадагшадые Эрхүүгэй областин губернаторай уялануудые дүүргэгшэ Игорь Есиповский, Хуули зо-хёолгын суглаанай түрүүлэгшэ Виктор Круглов, Эрхүүгэй мэр Владимир Якубовский, ВАРК-ын президент Геннадий Манжуев амаршалаа. Россин Федерациин Гүрэнэй Дүүмын Түрүүлэгшэ Борис Грызловой амаршалгы уншажа, эндэ сугларгашадга хүргэһэн байна. «Алтарганын» гимны Советскэ Союзай арадай артистка Галина Шойдагбаева гүйсэдхөө.


«Буряад угсаатание янзаарнь үлөөлгын болон хүгжөөлгын түб» гэнэн областин гүрэнэй эмхи зургаанай директор, эмхидхэлэй комитедэй секретарь байһан Александр Амагзаевай хэлэхээр, «Алтаргана» хадаа буряад арадай соёлые нэгэдүүлэгдэһэн субъектдэ хүгжөөлгэдэ түлхисэ боложо үгэхэнэ дамжатгүй. Манай соёл эхэ хүгжэнхэй гэжэ энэ фестиваль харуулба гэбэ. Энэ хэмжээ ябуулгы нээлгэдэ хабаадаһан ондоо үндэһэ яһатанай түлөөлэгшэд буряадуудые шэнэ харасаар сэгнэбэ гэжэ тэрэ тэмдгэлэһэн байна.

Политическэ талаар аргагүй эхэ удха шанартай, үргэн дэ-лисэтэй хэмжээ ябуулга үн-гэргэгдэбэ гэжэ Буряадай Правительствын Түрүүлэгшын орлогшо, манай делегациин хүтэлбэрилэгшэ Баир Бальжиров хэлэбэ. «Иимэ хэмжээ ябуулгы үнгэргэхэ гэшшэ ганса буряадуудта бэшэ, мүн баһа бүхы эрхүүгэйхидтэ эхэ шухалаа, гэжэ тэрэ тэмдгэлээ, - хэдэн зуун жэлэй туршада хамтаараа зэргэлээд ажаһуунабди, зүгөөр Эрхүү хотодо элдэб гүрэнүүдтэ ажаһуудаг буряадууд анха түрүүлэгшын хэргэбэ. Эдэ үдэр-нүүдтэ фестивалиин ябасые Эрхүүгэй телевиденээр эхэ һайнаар харуулаа. Энэ хайндэртэ хабаадаһан бүхы хүнүүдтэ эхэ ашатай, туһатай хэмжээ ябуулга эмхидхэгдэжэ үнгэргэгдэбэ гэшшэ даа».

Монголдохи буряадай соёлые болон уг баялгы хүгжөөлгын жасын президент Билэгсайхан, Агын округой захиргаанай толгойлогшын орлогшо Бальжит Дамбаева, Шэнэхэнэй буряадуудые толгойлохо ерэнэн, Доктор Монголой Эвенкийскэ хушуунай уласхоорондын таһагай дарга Цырендаша болон бусад энэ фестиваль тухай һанамжаараа хубаалдахадаа, һайн сэгнэлтэ үгэхэнэ байна.

Энэ хэмжээ ябуулгын үедэ элдэб янзын олон тоото конкурсууд үнгэргэгдөө. Нэрлэбэ, үлгэршэдэй, уран шүлэг гүйсэдхэгшэдэй, буряад арадай дуунуудай болон бусад конкурсууд эмхитэйгээр үнгэргэгдөө. Энэһэнээ гадна «Эрын гурбан наадан» үнгэргэгдэһэн байна.

Июлийн 5-да энэ фестивалиин түгэсхэлэй баяр ёһолол нэрлэгдэһэн стадион дээрэ баһал үнгэргэгдөө. Энэ ёһололдо Эрхүүгэй областин губернаторай нэгэдэхэ орлогшо Юрий Параничев, Усть-Ордын Буряадай округой захиргаанай хүтэлбэрилэгшэ Анатолий Дьячков, делегацинуудай хүтэлбэрилэгшэд, тэрэ тоодо манай республикаһаа Правительствын



Түрүүлэгшын орлогшо Баир Бальжиров үгэ хэлээ. «Алтаргана-2010» хүршэ Монгол ороной ниислэл хото Улаан-Баатарта үнгэргэгдэхэ юм. ВАРК-ын президент Геннадий Манжуев Эрхүүгэй областин болон Усть-Ордын Буряадай округой бүлэг түлөөлэгшэдтэ «Буряад арадай үмэнэ габьяатай байһанайн түлөө» гэнэн ВАРК-ын медаль барюулаа.

«Алтаргана» гэнэн фестивалиин туг буулгагдажа, Монголой түлөөлэгшэ Билэгсайханда дамжуулагдаһан байна. Удаань буряад барилдаагаар «Алтарганын» абсолютна чемпион бо-

лоһон Монголой түлөөлэгшэ Цогзолдорж шүүһэн «Жигули» түхэлэй автомобилиар стадионие хүндэ ямбатайгаар тойробо. Тэрэнэй удаа топ-модель Ирина Пантаева «Дангина» гэнэн конкурсно илаһан басагадта шанлануудые барюулаа.

Түгэсхэлдэнь Саяна, Эржена Жамбаловтанай найруулгаар «Зүүн зүгэй одод» гэнэн гала-концерт харуулагдаба.

Николай
БАДМАРИНЧИНОВ,
манай корр.
Р.-Н.БАЗАРОВАЙ зурагууд.